



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IX. Inquiritur in capita de quibus querelam suam Rufus deposuerat apud Bonifacium, quæ erant gravissimi momenti, utpote in quibus de summa rerum ageretur.

**urn:nbn:de:hbz:466:1-15617**

ageret Innocentius. Prior verò ejus epistola ad Rufum data erat in ipsis episcopatus ejus initii.

V I. Honorem illum retinuit Rufus etiam sub Zozimo, Bonifacio, & Celestino successoribus Innocentij. Non extant Zozimi litterae de ea re. Sed cum Bonifacius ad Rufum scribens doceat frequentia Romano-rum Pontificum rescripta ex apostolica sedis fonte manasse, quibus sollicitudinem Ecclesiarum per Macedoniam & Achaiam sitarum certum esse ait illi fuisse commissam, manifestum est illum, qui vices apostolicae sedis impleverat sub Innocentio, eas quoque egisse sub ejus successore Zozimo, & ab eo quoque variis rescriptis instructum fuisse, quem extabant in scrinio Ecclesiæ Romanae; præsertim cum idem Bonifacius ad Episcopos Thessalios scribens dicat se nihil novum concessisse Rufo, sed gratiam in hoc priorum esse secutum, id est, Innocentij & Zozimi decestorum suorum, à quibus auctoritatem Rufus accepérat per Illyricanas provincias. Quare cum causa Perigenis electi Corinthiorum Episcopi, sed qui antea ordinatus esset Patrensis Episcopus in eadem Achaia, non tamen à Patrenibus suscepitus, ad sedem apostolicam delata fuisse à synodo illius provinciae, ejus cognitionem Rufo delegavit Bonifacius, tanquam ei ad quem cura provincia Achaie pertinebat; ut patet ex variis Bonifacij epistolis ad eum datis.

VII. Accidit sanè hoc tempore, ut cum Rufus de quibusdam ecclesiasticae disciplinae capitibus consuluerit Bonifacium, isteque ad ejus consulta respondisset ex auctoritate sedis apostolicae, passus sit Rufus contradictionem à nonnullis provinciarum illarum Episcopis, dum exequi curat mandata Bonifacij. Timens verò Rufus ne infamum hunc constitutionum pontificiarum exitum sibi imputaret Bonifacius, ut etiam occasione ista se vindicaret à contempnu Illyricanorum Episcoporum, à quibus molestiam passus erat, literas ad eum dedit, quibus & consumtaciam Illyrianorum Episcoporum significabat, séque vel ex eo culpe eximere studebat, quod sibi semper oculis obversari videretur beatissimus Petrus, cuius vices per Illyricum sibi commissæ fuerant, adeoque non ausurum se fuisse aliquid ex officio suo remittere eo præsente. Probabilem ac sapientem excusationem admisit Bonifacius, neque imprudentiam Rufo imputans neque negligientiam, eaque occasione usus, ut illum validius excitaret ad conservandam debitam sedi apostolicae reverentiam, vices ei suas, ut factum fuerat à superioribus Pontificibus, delegavit literis ad ipsum datis

Tom. II.

xiiii. Kal. Octobris, Monaxio V. C. Consule, id est, anno quadrageentesimo decimo nono. Elegans profectio est epistola illa, & sedis apostolicae Pontifice cum primis digna. Sic autem habet.

*Dilectissimo fratri Rufo Bonifaciu. Credebamus Apud Hollen. post epistolas nostras pro ecclesiastice discipline observatione transmissas omnibus aditum presumtionibus precludendum, cum ad consultationem dilectionis tue prebui sumus debitum pro causarum estimatione responsum, constituentes ea debere servari que ecclesiastica exigit disciplina. Sed quantum nunc tue sanctitatis nobis relatio patefecit, apud plerosque valuisse quod scripsimus, apud quosdam autem admonitionem nostram inefficacem cognovimus fuisse. Nec hoc fraternitati tue possumus imputare, cum te anxium pro commissâ tibi Ecclesiarum sollicitudine & rebus literis sentiamus. Vigilante tue laudamus industriam; qui ne videaris tibi commissa negligere, id non pretermittis literis indicare quod sedis apostolicae debet censura corriger, hunc te Dei nostri habere professus timorem quem prudentissimo inesse convenit sacerdoti; qui tunc tibi esse poterit gloriósus, si ea que cura tue commissa sunt pro desse Ecclesiæ fuerimus experti. Intuetur enim te, ut epistolis tuis ipse fideliter es locutus, beatissimus Petrus Apostolus oculis suis qualiter summirectoris utraris officio. Nec potest tibi esse non proximus qui pastor dominicarum óvium est perpetuus constitutus, aut aliquam ubivis positam Ecclesiæ non curare in quo universalis Ecclesiæ possumus legimus fundamentum.*

VIII. Ab ea Rifi commendatione Bonifacius statim transit ad curam quæ illi injuncta fuerat à sede apostolica; simulque & certa mandata prescribit, & in laudes eorum Episcoporum exultabundus excurrit qui constitutus apostolicae sedis ad Rufum missis debitum consensum commodaverant; quales fuerunt Adelius & Perigenes. Té ergo, frater carissime, inquit, omnis cura respectat eam Ecclesiarum quas tibi vice sedis apostolicae à nobis creditas recognoscet; ut & prava corrigas, & dissipata componas, & si quæ inter Episcopos eveniant cause, sub divini iudicij timore distingas; ut creditis tibi à sede apostolica gubernaculis contra omnes fluentis nascentium procellarum justè & prudenter utaris. In notitiam singulorum ad quos ante jam scripsimus quem deberent transitem custodire nostras te epistolas, perutuisse dixisti, quibus debitum se commendare consenserunt plurimi sacerdotum sacrarum traditionum memor res sunt professi; quos fraternali caritate complexi tales esse cognoscimus coepiscopum nostrum Adelium vel fratrem Perigenem.

IX. Quenam fuerint constituta Bonifacij quæ recepta non sunt à quibusdam partium illarum Episcopis Bonifacius non ex-

I ij

primit. Illud tantum docet, eos qui consenserunt his statutis commodaverant sacrarum traditionum fuisse memores. Vnde colligi debet in ea fuisse sententia Bonifacium ut existimaret istos contumaces ac refractarios iuvasse contra veterem consuetudinem. Sed quænam illa fuerint in qua illi peccaverant, non aperit in hac epistola. Itaque aliunde repetenda sunt, & quidem ex aliis ejusdem Bonifacij epistolis, quo teste nullus in hac causa luculentior esse potest. Ex his colligimus Rufum ad eum retulisse de subreptione quorundam Episcoporum Illyricianorum, qui à Theodosio extorserant legem *Omni innovatione cessante*, qua cause Illyrici orientalis ad Constantinopolitanum Episcopum preferri jubebantur. Retulerat præterea Rufus Episcopos illos se inconsulto synodum Corinthiacam indixisse pro retraetanda causa Perigenis, vicariatum porrò sibi per Achiam concessum venisse in contemptionem, contemptumque illum etiam in sui personam redundare. Rescripsit ergo Bonifacius nova illa tentamenta Episcoporum Illyricianorum, quæ vetustati contraria erant, valere non posse, servandum esse jus apostolicum, causas à sede apostolica definitas retractari non posse in provinciis, & statum Perigenis Corinthiorum Episcopi nulla posse penitus ratione turbari, Concilia intra Illyricum congregari non posse extra conscientiam Rifi, adeoque hunc honorandum propter apostolicam vicem, absque quo non liceat Episcopos ordinare per illas provincias. Quæ ut ordine ostendamus ita evenisse, à subreptione Illyricianorum Episcoporum incipiendum est.

X. Illyriciani Episcopi ægrè ferentes sibi in omnibus causis ecclesiasticis superpositum esse Thesalonicensem Episcopum, nach occasionem turbandi ex translatione Perigenis ad Ecclesiam Corinthiorum, qua judicio Romanæ sedis decreta fuerat, querelam istam ad aures Theodosij Augusti retulerunt, similique suggererunt uti Constantinopolitanæ urbis antistiti, quæ se veteris Romæ prærogativa gaudere gloriabatur, hunc honorem tribueret, ut si quid dubietatis emerget in provinciis Illyrici, id oporterer non absque scientia Constantinopolitani Episcopi terminari, ad exemplum veteris Romæ, ad quam siebat relatio causarum ex omnibus provinciis. Maximam invidiam habuisse amplissimam illam Rifi potestatem, quæ Episcopos illos ad tantum facinus audendum impulit, probat epistola Bonifacij ad Episcopos per Thessaliam constitutos, data post legem Theodosij de qua mox dicemus. Ergo servate honorum debitum capiti, inquit; quia nolumus

ut intra se membra decenter, ita ut tendatur eorum ad nos usque certamen, dum fratrem & coepiscopum nostrum Rufum dignum ducitis contentu; cui nihil novum auctoritas nostra concedit, sequens priorum gratiam, qua huic cura Ecclesiarum saxe videtur injuncta, quod factum ita intemeratum servari volumus in futuram sicut à patribus hujus dispositionis forma servata est. Non decet fratres alterius dignitate mordere.

XI. Horum invidorum suasionibus permotus Theodosius, augenda præterea dignitatis Constantinopolitanæ urbis, ut videatur, cupidus, legem edidit anno CDXXI, qua edxit uti servata veterum canonum reverentia, causæ ecclesiasticæ per omnes Illyrici provincias judicentur in suis quaque provinceis, ita tamen ut si quid dubietatis emerget, id est, si qua causa major incidet, referatur ad Episcopum Constantinopolitanam urbis, eō quod nova Roma veteris Romæ privilegiis fruatur, & nova Romæ Episcopus primatus honoris potiatur post Romanum Episcopum juxta canonom secundum synodi Constantinopolitanae. Cùm de hac innovatione certior factus esset à Rifo Bonifacius, videreturque ea ratione tentari ac convelli *jus apostolicum*, ut ipse vocat, & canones antiquos, illustrissimæque Ecclesiæ Alexandrinam & Antiochenam gradibus suis moveri quos eis & vetusta consuetudo & canon Nicænus confirmaverant, ad Rufum rescripsit nova illa tentamenta vires habere non posse, & eorum studiis cedendum non esse quos novitas rerum & indebitæ desiderium dignitatis accedit, sed elaborandum esse & Deo nostro favorem præstante certandum ut quisquis contra licitum nititur, sibi per omnia recognoscatur occursum. Quod adversus Constantinopolitanum antistitem dici manifestum est, qui secundum sibi locum vindicabat adversus vetustatem & canones antiquos, cum secundus locus deberetur Alexandrino, tertius Antiocheno. Vnde & in epistola ad Episcopos Illyricianos italoquitur: *Quoniam locus exigit, si placet recente canonum sanctione, reperiatis quæ sit post Ecclesiam Romanam secunda sedes, quæ sit tertia: à quibus ideo ita rerum videtur ordo\* destruktus, ut se Ecclesiarum Pontifices ceterarum sub uno tamen eodemque sacerdotio habere cognoscant quibus caritate servata propter ecclesiasticam disciplinam debeant esse subiecti.* Et quidem hac sententia canonum à vetustate duravit, & nunc usque Christo nostro favente perdurat. Et paulò post: *Servant Ecclesia magna predicte per canones dignitates, Alexandrina & Antiochena, habentes ecclesiastici juris notitiam.* id est, jus apostolicum, ut suprà dixit.

XII. Sed altius penetrabat, quam Thes-